

Guangjsih Minzcuz Bau

ganhhau: CN45-0036 B.2018 Nd.11 Ng.28 liggaeuq fouhswt nienz ndwencib ngeih 'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3351期

Liujcouh: Fwen Ciengq Fapguek Goksadsad Hagfap Guh'angq Song Mbouj Nguh 柳州:山歌唱宪法 学法娱乐两相宜

Ndwen 11 ngoenz 20 banhaet, aen yizsi hainduj ciet vwnzva fapceih gaiq daihsei Liujcouh Si nem "fwen ciengq fapguek" vwnzyi yienjok youq Liujcouh Si Yizfungh Gunghyenz hainduj, caemhcai hainduj le aen hozdung baenzdauq ngoenz fapguek guekgya guh ndwen ndeu haenx.

Mwh hozdung, gyoengq cangh-fwen yungh fwen doengsug rox ngaih cienzcienq senhconz fapguek, 《Fwen Bouxcoz Nyezrauh Ciengq Fapguek》《Sam Coenz Buenq · Dwkawz Seiqlig

Simnduk》《Fapceih Cungguek Caezgya Ciengq》daeng fapceih vwnzyi cezmu ndaej daengz bouxyawj yienhcie ngqcoux, siminz youq mwh angqyang ndaej daengz fapceih gyauyuz seng-doengh.

Youq yienhcie ngq, bouxguhong lij laeb le aen daiz senhconz fapceih, fat 《300 Hot Fwen Bujfaz》《Faplwd Manva》《Anqlaeh Diemjhingz Gungh-minz Ei Fap Hen Gienz》daeng huqlaex senhconz fapceih 600 lai faenh hawj vunzlai yienhcie ngq, ndaej daengz

vunzlai haenhndei.

Ciuq cam rox, vih engq ndei leihyungh fwen cienzdoh faplwd cihsiz, fatyengz fapceih vwnzva, bineix ndwen 9, Liujcouh Si cujiz 5 boux sijcej yungh fwen cienzdoh fap cauuhguh le Liujcouh Si cek nduj 《300 Hot Fwen Bujfaz》, caemhcai yaenq 5000 cek fat hawj siminz mbouj aeu cienz, baenz le cek saw ndei vunzlai hagfap.

(Fu Yungsinh Linz Lanzfwnh Veiz Cinhcuh)

SIUSIK DINJ

简讯

● Ndwen 11 ngoenz 17, Aen Duenz Heiqcuengh Baihbaek "Ndei Ha" Davaz Minzcuz Hagdangz Baksak Si laebbaenz. Hagdangz cingj canghheiq Heiqcuengh ndawbiengz bae daengz hagdangz son hagseng ciengq Heiqcuengh. Mbat ciengq Heiqcuengh hozdung neix, hawj gyoengq hagseng rox daengz swncienz vwnzva minzcuz gig miz yiyouq-gaen.

(Vangz Yungiloz)

● Vih angqhoh Swcigih laebbaenz 60 hopbi, hawj gj ndwenngoenz vwnzva vunzlai hoenghwd, caux ok gj heiqfaenh vwnzva angqhoh nauhyied, mboengqneix, Denzyangz Yen cujiz doih-vwnzyi bae lajmbanj haiguh yienj heiq hawj beksingq yawj hozdung, hozdung dawz gj vwnzyi cezmu vunzlai haengj dingq gyaez yawj haenx soengq daengz henzgyawj beksingq, saedyienh vwnzyi vih beksingq, vwnzyi leih beksingq daengj moegbiu, ndaej daengz vunzlai angq-coux caeuq haenhndei.

(Vangz Gozsun)

● Ndwen 11 ngoenz 24, Laizbinh Si banh gaiq daih-roek lwgnyez yisuz dungxcaiz doxdax, hozdung doenggvaq langhbaj dungxcaiz, hag senhcin diemjhingz daengj hingzsi, haiguh gj hozdung saedguh vwnzmingz fungfouq lai yiengh haenx, son'gyauq gyoengq bouxcoz nyezrauh guh daengz "gaenx hag, hag dwz, rox mingzbeq, saedguh", roengzrengz bae hengzguh sevei cuji hwzsinh gyaciz-gvanh.

(Maj Cing)

● Ndwen 11 ngoenz 20, Siengcouh Yen Cunghbingz Cin cujiz bouxgagnyienh ganbu cizgungh haiguh fazci senhconz gyauyuz hozdung. Hozdung ngoenzhaenx, boux-gagnyienh doenggvaq gj fuengsik fat faplwd fapgi senhconz swliu hawj vunzlai, gvangqlangh senhconz cienzdoh gimq doeg, fanj sezgyau, dwkcawz bangvunz simnduk daengj cihsiz.

(Veiz Sezmeiz)

Yungzsuij: Vwnzva Minzsuz Yinx Hek Daeuj



融水:

民俗文化引客来

Geij bi neix daeuj, Yungzsuij Myauzcu Swciyen dawz vwnzva minzsuz yungzhaej gingjih, mboujdan fungfouq gj ndwenngoenz vwnzva gingjih, youh ndaej gajgez gj vwndiz ranzgungzhoj couhnieb, doengzseiz lij ndaej swncienz vwnzva minzcuz dem, yinx ndaej haujlai siminz, bouxhek daeuj lijyouz yawjgonz gingjsaek, bangrengz cingcinj vut gungz caeuq lajmbanj saenghwng. Ndaw doz dwg ndwen 11 ngoenz 24, youq Yungzsuij Cin Dughliengz Cunh Sizlinz Gingjih, boux canghheiq ndawbiengz biujyenj "bienq naj" hawj bouxhek yawj.

(Lungz Linzci/龙林智)

Sanhgyangh Geiqniemh Sawdung Cauhguh 60 Hopbi Banh Yungh Vahdung Gangj Gojgaeq Doxdax

三江纪念侗文创制60周年 举办侗语故事演讲比赛

Bineix dwg Gvangjsih Bouxcuengh Swcigih laebbaenz 60 bopbi, doengzseiz hix dwg 《Fueng'anq Sawdung》cauhguh 60 hopbi. Vih fatyengz minzcuz doxgiet, iuheuh minzcuz bingzdaengj, bi 1958, guekgya vih daengx guek 300 lai fanh vunz beixnuengx Duncuz cau sawfaenz, dajneix Duncuz gietsat le gj lizsij dan miz vah mbouj miz sawfaenz.

Vih angqcoux Swcigih laebbaenz 60 hopbi caeuq geiqniemh Sawdung

cauhguh 60 hopbi, ndwen 11 ngoenz 17, Sanhgyangh Duncuz Swciyen banh le gaiq daihngaih yungh Vahdung gangj gojgaeq doxdax, doenggvaq haiguh yungh Vahdung gangj gojgaeq doxdax hozdung, vatcimh, doigvangq gaisau gj vwnzva ndawbiengz minzcuz maenhndei Duncuz, vih vwnzva Duncuz daezhawj aen bingzdaiz langhbaj ndeu; gikfat minzcuz vwnzva gagsaenq, fatyengz minzcuz cingsaenz; doenggvaq hozdung gyagiengz gyoengq

ganbu vunzlai, hagseng gj yisiz baujhoh vwnzva minzcuz.

Baez doxdax neix baen aen cuj vunzhung caeuq aen cuj bouxcoz nyezrauh song aen cuj guh, daengx yienh 15 aen yanghcin cungj miz daiqbiuj camgya. Ginggvaq sien doxdax genjleh le, gungh miz 23 boux senjsouj camgya yienjgangj doxdax ngoenzhaenx.

(Vuz Couhhungz)